

AMICS HEM LA LHEVDA

Amics, hem la lhevada
La nueit que se'n va anar.
Non luseish plus lo bèth lugran
Au hons de l'aigalada
E lo só que's va miralhar
Au som de la cascada.

Ça-vietz, sortitz dehòra,
Portatz chanchas e caudèrs.
Anem lhevat-ve donc aulhèrs !
Aubritz los uelhs, qu'ei l'òra.
Las aulhas dehens los brostèrs
S'esvelhan de bona òra.

En cantant nosta aubada,
Hèm chorratar la lèit !
Repausaram quan ajam hèit
Au sèr, dens la velhada
Sus lo palhat, devath lo teit
Hèit de palha daurada.

Mon Diu qui dab sagessa
Avetz creat lo só,
Que voi estar bon servidor
Au temps de ma joenessa
E tà vos sus lo men vriulon,
Voi cantar ma tendressa.

